

重修京山縣志序

維楚爲荆九州之一也禹貢曰荊州之  
域天文曰翼軫分野而郢則楚之西塞  
京山則倚蒙山以爲固者也然天下山  
川民物載之圖記詳矣其間分合異同  
因時以爲聚散因時以爲變遷亦因時



而有盛衰焉如舜肇十有二州封表十  
有二山濬導十有二州之川至商則爲  
九圍九有周禮職方氏列爲九州曰揚  
荆豫青兗雍幽冀并而無徐梁營是十  
二州而復合爲九州也此分合之所繇  
始而圖記書史勢亦不得不分合異同

於其間而爲聚散爲變遷爲盛衰豈不  
以其時也哉蓋時遠世殊賴有賢君子  
起而修明之太史公曰詩記山川谿谷  
禽獸草木牝牡雌雄春秋文成數萬其  
指數千萬物之聚散皆在春秋而又能  
辨其是非後世有世紀有圖書皆詩書



之餘風而春秋之遺意也自秦取天下  
佈郡縣之壞名城銷鋒刃箝語燒書杜  
廢士橫議而置九州于莫可考其間文  
章風俗地紀悉歸秦人之一炬而灰劫  
焉吁秦亦太酷矣迨漢唐晉宋以及宋  
元明更易錯置不勝具舉而分合聚散

變遷成變之存故又不特十二州為九州  
而已也自秦以後郡邑無史而有郡邑  
志此史之變也龍自癸丑奉

卯三月渡河而蒞斯邑邑居衆山之中環  
城巖然且物樸陋山城晝陰庭草萋萋  
榭樓空廢廡宇傾欹頽垣廢井之間部



屋無幾椽不逾尋丈不盈尺而民欲飲  
社讀法寺其間不亦隘乎嗚呼猶是京  
山也禹爲夏商周爲荊州之域周又爲鄭  
子之國猶是京山也楚爲郊郢秦爲南  
郡漢爲新陽晉爲雲杜劉宋南齊爲新陽  
西魏後周爲溫州而隋爲京山猶是京  
山也唐乾元爲州鎮二百二十餘年  
元將相名臣如刺史杜正倫司馬裴宗  
庭輩又不勝屈指五代宋元明皆因之  
而

國朝亦不易焉于是登高縱觀而郢無遁  
影形水則江漢滄浪潛沱曲水三壑七澤



百皆灑森澄碧日夕吞噓而呼吸無盡者

山則大洪天門五華荆門靈鷲紫蓋內

力方以及大別皆崇隆挺拔其于水聲山

色恍然見禹功之大而始知京邑有

山懷水之固此唐時州鎮之所

京邑人才言之春秋敬

員將敵師入郢覆楚京人申包胥者

師于秦泣七日而秦王爲賦無衣遂復

六千餘里之地全繫而歸諸楚其聲稱

與日月爭光胥也者楚一人而已其左

史倚相春申君之儔能不望而卻步乎

至今包胥廟食京山則京邑無負于楚



矣若夫隱逸游寓則有嚴光孟郊之流  
人才輩出文章蔚起故今四山蒼蒼草  
木高寒俗尚沉毅而有節概者皆諸君  
子之遺風也抑山川靈氣使然乎然而  
地瘠民貧勤于畊作歲苦隄患而工役  
煩于修築且繼之以災祲邑斯斯矣于

是十年之始即州視池區災歷水之  
深池噴奔潰騰浩茫二十餘處而  
之同患者有有派修派濟與京山風  
而歲協夫數萬老弱編織不遠吐  
于奔命東實為之大困而先傷稅  
以無定之果因患為請命當奉者



月六  
閏焉是以...之應...者則  
又悉心學...土人...  
積旬累月...厚稅者加因而得以  
殺其...今日之東山...  
...而能...  
...非一...  
...者焉...之...  
...非一...

寇孽以來民幾不保其得苟延于茲者  
亦幸也夫邑既貧瘠而爲之令者又勞  
其力而用之何也夫民勞則思思則善  
心生逸則淫淫則忘善所謂沃土之民  
不材瘠土之民易于嚮義而啓其善今  
天子聖明在上四海咸歸版籍邑乘固需



明脩其亦有鑒于春秋詩書之大義乎  
龍也不敏上自商周下逮

本朝其所以爲山川民物分合異同聚散  
變遷盛衰之故邑之先生長者教之非  
龍之力也而請爲之序雖然何敢讓焉

時

大清康熙十有二年中冬月長至日吉旦  
文林郎知京山縣事遼陽吳游龍禹

門甫撰書





門前題書

文林洞映京山瀑事發剔吳漸請

大清康熙十年二月廿五日

凡例

一邑舊無志自孫司徒始附安陸州志體裁嚴整  
其成化間僅四卷繼有王太僕志二十三卷  
矣章邑令志十二卷王志在章時已散佚章志  
及今全書無存殘編錯訛茫無辨據間有稽考  
皆旁採他書不無誤漏以俟博識  
一舊志首通紀事緒繁蔓觀者眩焉今首封域以  
舉其綱觀天察地星野祥異形勝里至山川次



焉詳沿革辨土風皆輿地中事也舊序星野於人物後今正之

一輿地既具建置興焉凡縣治內經畫規制統載其中學校雖重亦建置之一也不另載

一田地戶口歷宋元明漸遠初制本朝裁併之後去名存實謹依全書分別款類稍推事始以

脩稽考

一章志驛站自明季至國初爲邑利害攸關後

驛道詳列四蠹紳衿公呈五款屢次釐剔積弊盡除旣已勒石垂久毋煩杞憂蛇足也

一歲修隄防利弊難以悉舉謹按府志所載有禱河防者存之以備採擇

一典禮係闔邑觀瞻歷來儀注繁簡不一今另列爲志以表一代之盛

一邑長良吏凡治績可傳去有遺思者據其事實爲傳其見在者依往例不書



一府志封爵從世表例秩官制科從年表例其履  
歷詳畧據原志所載分注其下今悉從之

一人物紀載求爲可據明季以來俱照府志載入  
以年爲序至有孫從祖子從父弟從兄之例皆  
以秀誕一門世濟其美也

一孝子貞婦風化攸關凡一節可稱據舊傳採錄  
其見在者例不書

一文事武備弁重武秩武科宜畧表禦侮取節俱

### 從類附

一勝蹟丘墓俯仰今昔寺觀非秩祀也方外示異  
遺事廣聞故同志之

一古今藝文必有裨政教及山川名勝公宇興置  
著始爲採入一二至鴻儒著述等身自有專集  
在也


一書成計板若干字共若干藏縣庫載冊倘有假  
借刷印因而私行鐫改者責在典守嚴加究治



禹門氏識



京山縣志目錄



舊序

圖



輿地志一

封域 山川 星野 土產 祥異 沿革 形勝 風俗 里至

建置志二

城池 街巷 關廂 坊表 公署 舖舍 學校 倉廩 使館 壇廟 集市 郵政 橋梁

賦役志三

田賦 加增 戶口 起運 撥運 摘裁 存留 蠲免 里甲 優免 更名地 屯田

學田  
隄防

典禮志四

朝賀  
公式  
祭祀

秩官志五

封爵  
列傳  
秩官

選舉志六

制科  
恩蔭  
地封

人物志七

宦績  
貞烈  
懿行  
孝行  
流寓  
仙釋  
文苑

武備志八

兵防  
將畧  
屯田  
志變  
武秩  
武科

古蹟志九

勝蹟  
丘墓  
寺觀  
遺事

藝文志十

奏疏  
跋語  
公移  
賦  
記  
序  
文

目錄終



舊序

富水郡志序

富水郡志序

宋

張聲道

古者封建諸侯亘天下為列國至秦始皇郡縣之晉  
 宋以來錯置州郡唐興盡易州名郢之為郢楚郊  
 郢之舊也東走江淮西通梁漢南徑荆湘北則馳  
 騫乎陳蔡汝潁之郊雖號為四通八達之地而有  
 石城以為固漢水以為限昔人因形便以置州本  
 事始以取名蓋得之矣楚始都郢今江陵是也後



遷郢於壽春而魏文帝亦嘗以荆之江北諸郡爲郢州然壽春之郢終於復故南郡之郢旋卽正名郢之名雖四而實一耳惟劉宋以後一彼一此互別爲州名有東西南北之殊地有江夏義陽淮安定城赤石安廣之異道德不一文軌不同三光五嶽之氣散而無統其分裂變置於南北之間至有十之三焉迨唐始合爲一至乾元州名始定迄今言郢事者乖戾錯雜認鄂渚者十八九指江陵者

半之而於義陽淮安汝蔡先隨亦略取其二三也祖襲訛謬綿歷久遠不知者類以爲真而知者則譏曰春秋傳疑之義固當爾耳信如所云則古人辨國正封之意果安在哉郢舊有志其先出於綿絕淳熙丙午張侯實來見其踈略舛誤舛焉甚不蒲也已而興樸楹榘僵條具貫整暇乃命衆俊緝成此書凡爲十卷分三十四門細大畢載顛末具舉以分星所臨各有封域而徐雍州楊南北互見故



辨郢州以次險之象天造地設而依山爲固彼此  
弗類故辯石城都邑郊鄙不宜混并也故辨二郢  
分疆對境安可錯雜也故辨章山名跡事實必有  
定所也故辯新市於是名正言順綱舉目隨千載  
訛謬一洗空之侯於是州也日夜究心恢張形模  
華易敝陋將去之日如始至而是書之成蓋可見  
其綱目聲道敬歎之餘敢敘所以冠於篇首云

安陸州志序

明戶部  
尚書孫  
交郡人

邑志何始乎始於古也古始於何時乎始於九  
丘也曷謂九丘九州之志也漢孔安國曰丘聚也  
土地所生風氣所宜皆聚於此書也後世地志雖  
經其皆權輿於此乎交幼學時見郡志藁紙不百  
幅繼見一統志爲天下志當略又見湖廣通志爲  
一省志猶略後得富水志修於宋淳熙間洪武中  
增修富水志亦不傳矣恒欲纂錄續以見聞略備  
郡乘顧先職事未暇晚歸林下日以筆墨自娛次



第舊藁爲一十六卷郡有衛事以類附屬邑京山  
 別爲四卷總名之曰安陸州志凡例遵一統志與  
 纂修條目率不外乎土地之所生風氣之所宜焉  
 今憲長聶公承之前按荆襄既修襄志使節過郢  
 尤切注意屬郡守王君下車留心政教欲考郡志  
 以爲因革之宜知交嘗纂錄也索藁至再始出與  
 章山提學沈君商訂王君校正二君之勞實多特刻  
 梓王謂交曰茲猶一郡之史也請序諸篇端交

古者列國皆有史官掌記時事今車書一統惟  
 有史郡邑無史謂之志者紀事之書非史也他  
 修史者有取於是焉耳若效史體一字一言抑  
 褒貶悉有書法是以志爲史也惟閱於土地風氣  
 者巨細不遺美惡兼載聊以脩觀風者之採擇耳  
 交草創也郢之後賢必有能討論修飾而潤色者  
 庸書此以俟

京山縣志序

明太僕寺少卿王裕邑人



京山舊無記籍在南宋時附在富水郡志富水本  
京山北境故富水廢縣縣省而名迺爲郡所掩志  
臣弗得爲京山顛也國朝有一統志通志正德間  
孫司徒有州志並襲宋故事以京山綴安陸而已  
嘉靖十年州改府十八年巡省蔡章曠制視昔彬  
蔚後年守臣請修興都志詔顧尙書璘聘格數人  
從事迺下屬邑搜各志爲資時格受幣未行與韓  
汝論江輩恥孫司徒附本稍增輯之送書局於

縣始有特籍然冗弊不可讀漫藏學宮未有以  
也前數年縣大夫鄧公合知格嘗經始舉以相屬  
會去邦果今年春張公下車甫期政通多  
暇請此事自問職方不宜休缺更復見委格辭不  
獲命因與諸君卽故帳徧加哀採自夏徂冬頗曠  
涼燠遂定著此言噫嘻下闕事警然與舉非張公  
沉練毅決志扶義教何能及此顧格屠釣朽姿才  
謝述作享帚穢下知爲通識所嗤然以資巷塗之



譚話庶幾或勝諸無爾

京山縣續志序

明監察御史 鄭友玄 邑人

使君章公門世地高以文學起家為京山令三歲而政成然後行山川覽遺文求包胥大夫已後舊事差次之盡肅皇帝三十九年而土圉職貢賢烈妖祥之跡不復可覩憂之召玄受後焉玄拜手言曰諺有之不願白語道失且更人之罪昔直隸總督略今詳略愧詳也直隸總督君與

不敢也請辭使君乃下科條修清問

日於庶姓而稱文斷之書且成復遣吏馳視

使正其疑脫玄謹按漢後軍州最重京山起梁武帝普通終唐肅宗乾元凡為州鎮者二百二十餘年大業武德之間廢為縣僅十六年而復故貞觀開元時相名臣如杜正倫之為州刺史裴光庭之為州司馬皆以京山為署地劉煦書有政治之文無遷徙之歲故承天新志之末曰數年京山舊志



之首曰未幾皆不及深考而盛事遂割於鍾祥然  
鍾祥始爲竟陵郡郡事實在鍾祥豈今景陵之所  
能有哉此當辯者一京山介襄安隨復四帥之府  
而負山懷水三國六朝五代南北之大故有剽掠  
無降階卽元末壬辰之亂群寇數至吏人扶携避  
去高皇帝四年遺民不歸劉君之行縣宣新主恩  
澤召來之耳錄此言之京山之爲軍州鎮府其在  
唐盛世民有安富之樂及廢爲縣久之賦役日重

不墜守其不設寇來不攻與村市無異與都既  
京山遂爲重地無事則軒蓋接武有郵驛供給之  
需有事則山陵守衛扼吭犄角之勢在焉此當詳  
者一若文治小事如孟東野之爲人庶立詩復高  
寒簡帙甚少而京山行古詩一首不錄於前編此  
當補者一以玄閉戶寡聞所采獲推表止此耳然  
皆舊志中所宜具不足以贊使君草撰之辭使君  
既錄之於前後盡第其所著八十年近業使玄書



其旨曰京山續志志矣續耳何為乎書之書之大  
 之也大之奈何六經惟易可無續他經皆續何續乎  
 續於史史與天地俱動動者不續則日月舟車血  
 氣之才與晝夜并逝可念也故禮樂勿論孔子以  
 詩與春秋續禹貢而班固已下諸子始有所據以  
 譯五等之封合於郡縣遂逝續為諸史諸史復錯  
 見為諸志我高皇帝初御郎作大明志又十年作  
 通志又十餘年作洪武志凡二十餘年而為三

書皆聖人之志其實續之耳續之而不職不作  
 聖人也自此已後一統與興都兩志之外恐文  
 不數見其大者或藏秘閣小者固時葺于諸縣之  
 志諸縣之志國史具焉今使君續一縣八十年之  
 事其間可脩國史者非止一端上于府則興都志  
 續上于司則通志續上于朝則一統志續其功與  
 作者正等且史局未開起焉記注而下訓誦無闕  
 便有通敏之士日坐國門操三尺油素從上計孝



廉吏訪郡邑方言以周知海內畜產盈縮民物瘡  
利風俗滯慤之所委以上佐天子儆于有位詔萬  
民利及來茲幸甚否則求禮于野司土者皆能舉  
其境內土田職貢賢烈妖祥之跡如京山焉足矣

京山縣續志序

明京山縣知縣 章聚奎 浙江 臨安人

志者古史之遺也史推尚書春秋法度俱備而承  
襲徑分枝葉敷榮遂至蔓延充棟然其要惟二一  
曰繫年一曰類分不必浩汗也孔安國嘗曰楚

繫亂剪絕浮詞舉其弘綱撮其機要此言是矣世  
儒謂孔子序書乃察其詞義疎畧而割裂舊文以  
奏百篇之數曾宣尼秉筆而若是乎砥硠溷真宜  
蔡仲默黜之是不可與春秋並觀矣自後學春秋  
者若呂氏虞卿張蒼之徒體裁未全迺至司馬揣  
摩堯典臯謨禹貢一變而為帝紀世家列傳頌商  
周世次茫然則又明於類分而不明於繫年甚矣  
史難言也若夫作傳而索米數字而輸絹其品固



京山縣志 卷之二  
達遜班范下操觚家每有之至畸人軼事湮滅不  
傳可勝道哉抑此猶爲圖籍凌襍者言耳未有時  
越八十二載杳然中斷遺編幾泯而猶可以存文  
獻俟攷古者也乃說者謂朝廷有一統志省有通  
志郡有郡志雖邑乘少載庸何傷不知縣志者郡  
省一統志之所取裁也因時補救則尙經濟應期  
焜耀則論人才與世污隆則驗風俗俾覽者具有  
激厲之思將庶頑立懦是賴所關不甚重歟况京

山爲輿都馮翊自世宗龍飛以來地靈倍顯瀛  
蒼作鼎峙中原高王李郝其是著者後先掩映指  
不勝屈可不彙之以爲  
而近代茫無可考遂有志  
修會戎馬糾紛無  
暇談鉛槧越兩載庶務粗舉乃遍求舊志參酌之  
於斷簡殘編中見先輩精義昔曠時遺佚甚多於  
繁年頽分之義何居尚祈諸薦紳匡所不逮也而  
有旣得於耳聞者兼身所親嘗著詎容以不敏辭



於是先為屬稿以俟補入其八十二載以前之事  
大約仍舊志而議論則稍更益之至近時所記俱  
出新裁顧才遜淵博未免掛漏然以譎夫舉綱提  
要則大端或不外是矣雖然微少泉至公之成模  
與前邑侯張公之義舉則今日何所取資余僅讀  
百齡闕事耳若夫綜覈手載則舊籍已具余何能  
忘始事之功哉

# 京山縣志圖



# 志京山縣圖



# 宋淳熙富水郡





京山縣圖




明通志






# 明安陸志



# 京山縣治圖











京山縣學圖



明安陸志









京山縣志卷之一

知縣事遼陽吳游龍禹門甫重修

邑人王 演鹿柴甫

尙登岸未庵甫

盧前驥晞齋甫全編

輿地志

繡壤分野畫井宅疆天垂象示后得全昌時代  
綿邈山川鬱蒼瘠土民勞樸風俗康王道之易



厥觀於鄉志輿地一

封域

禹貢商制周職方皆荊州之域周爲雲子之國在楚爲郟郢秦爲南郡地漢爲江夏郡之雲杜安陸二縣境後漢分安陸立新市縣屬江夏之竟陵魏因之晉初亦爲江夏郡之雲杜南新市之疆域惠帝時二縣分屬竟陵郡齊又分新市新陽別屬安陸郡梁普通末乃以爲新州及梁寧郡治所西魏

爲溫州又改新陽曰角陵改南新市爲富水郡仍以縣屬焉周因之隋初郡廢縣屬安陸省盤陂縣改角陵曰京山大業初以京山富水屬安陸郡唐武德初以京山富水隸安州四年又以二縣屬溫州貞觀十七年廢溫州京山富水盡屬郢州五代仍唐制宋乾德二年廢富水入京山元因之屬安陸府隸荆湖北道因兵亂移治漢濱至元十二年還舊治明因之屬安陸州嘉靖十年改州爲承天



府縣屬府

國朝順治三年改承天府為安陸府縣仍屬焉

縣幅幘非廣然常為國常為州若郡又常為縣  
二且三矣表題類而分區宇判山河而考疆域  
固王制之偉觀也迺直舉歷代損益列而譜之

項帝起至

周 俱為荊州域

春秋 鄖地

戰國 楚地 新市楚地

南郡地 新市南郡地

雲杜縣地 新市俱隸江夏郡

東漢 雲杜縣地 南新市侯國

三國吳 雲杜縣地 南新市縣

魏 雲杜縣地

晉 雲杜縣地

劉宋 新陽縣

南齊 新陽縣



梁 新州

梁寧郡

新市縣

西魏

溫州

梁寧郡

富水郡

角陵縣

富水郡

盤陂縣

後周

溫州

梁寧郡

角陵縣

富水縣

盤陂縣

隋

京山縣

盤陂省入

唐

溫州

京山縣

富水縣

郢州治

京山尋遷長壽

京山縣

富水縣



五代梁 至

五代周 俱為京山縣

富水縣

宋 京山縣 富水峯入隸同五代

元 京山縣 隸安陸府

明 京山縣 隸安陸州後隸承天府

國朝 京山縣 改承天府為安陸府縣隸焉

論曰九州之紀尚矣自秦取十五國而郡之漢唐以來區分表畷弗可得詳矧以一邑量于天下之數儲一梯耳上下古今莫知紀極桑拓之野蛟龍淵之崇阿複嶺之間跋非牧焉浮雲

化百年一瞬矣故嘗嘆京之為縣也始比南本異而未同創革屢更規圍始合悲益者存乎形通變整齊者存乎德地由事泰斯產焉宦焉者均與有責焉而憂世子何能無望







邑月令章句起張十二度陳卓范蠡鬼谷子諸葛亮譙周京房張衡並曰南郡入翼十度江夏入翼十二度唐志云星紀鶉尾以負南海其神主於衡山又云初張十五度餘千百九十五秒二十二太中翼十二度終軫九度自房陵自帝而東盡漢之南郡江夏東達廬江南郡濱彭蠡之西得長沙武陵又踰南紀盡鬱林合浦之地自沅湘上流西達黔安之左皆全楚之分古荆楚即都羅權巴楚

南方之國又云江陵峽歸夔醴朗復郢襄房爲親尾分

天官書云辰星仲夏夏至夕出郊東井鬼與柳東七舍爲楚又云吳楚之強候於熒惑占於烏衡星經云熒惑主霍楊荆交四州晉志云牛女間十六星魏西一星曰楚宋西朝天文志云天市垣西垣第二星曰楚星書云五車中央一星主楚元志云鄂州北極出地三十二度半



天官書云丙丁江淮海岱也漢志云丙楚丁南彝  
天官書漢志并云江淮之間氣皆白徒白氣也

明通紀星志南郡入翼十度正德二年卿雲見於

翼軫世宗誕生斯土入繼大統占者曰楚此分野也

論曰志天文者數十宗殊同相錯故七緯歲差  
百王代變往者勞乎不同而欲古今一局事已

乖戾又况龍爾縣壤不當天  
參之經緯運行之間瓊矣惟

一理古人于婚禮上功必候  
其國邑視封疆田疇之正治

以至車服畜產之菁華莫不  
而修德修教修禳之政行焉

氣相物宜使天人協應象  
亦由一邑而天下有餘用矣



山由一邑而天下皆稱用矣  
所祥在如天人謝勳榮期與神豈或水火為

祥瑞

明正德十五年庚戌惠亭馬鞍諸山產白兔

正德十六年巳辛呂府三里產嘉禾

嘉靖九年庚寅雙峯山松山甘露降

嘉靖十一年辰壬鴨嘴山南產靈芝

嘉靖三十年亥辛呂府三里產瑞蓮

崇禎十一年寅戊甘露降學宮松及郝給諫香葉亭

前古福上



災異

元至治元年九月京山漢水溢

大定元年八月京山饑

明天順二年戊寅旱

成化二十三年村大旱

弘治十五年戊戌大旱饑

正德二年戊辰大旱饑

嘉靖七年戊子大旱饑

嘉靖十六年丁酉氾溢壞民廬舍溺死人畜甚衆

嘉靖三十年辛未大水

嘉靖三十九年庚申漢溢

天啓二年壬戌大水漂沒廬舍數十百處溺民畜甚

衆城壞數十丈城內高家塌溺死男婦數百餘

口詳見城池

崇禎二年己巳大旱饑

崇禎六年癸酉彭楊畝民家溝中蛇出長六尺圍尺



許身紅綠色六足如鷄距不噬人郝楚望曰肥  
蠶也至千里旱果驗

崇禎九年子丙縣北沙河姚家產牛一身二頭

崇禎十年訂縣羊枯嶺有石自行五十餘步

崇禎十四年時大旱赤地千里秋蝗蝻爲災斗米  
千文民食樹皮草根榆桐皮茨實諸粉鬻於市  
每升價至五十文死者相望

崇禎十六年癸十二月除夜天大雨雷震霹靂有  
聲乙酉之春關賊自關陝拔營南下盤踞郡邑  
屠戮無虛刻居民任山砦潛林莽者三月餘粒  
米不可得草根樹皮不敢採北山一帶至有膾  
人肝而食者惟幸

本朝雲驅電擊拯予遺于萬死一生之中鵠面鳩  
形始得就青麥以爲糧凡今日之蕃衍皆

本朝之全活也否則旬日內盤踞如故數百萬生  
靈無噍類矣



朝順治九年壬辰大旱民饑

順治十八年時大旱

康熙四年巳正月小東門城內火延燒城隍廟並

民房一百八十餘間十三年甲寅大旱饑

論曰書災書異志敬也常不敬則異至視異猶常而災至儆局及焉徃事豈復可追願弘思將

來箕子曰惟王省歲鄉士月庶尹日耳分無越思無越思其敢復越書百爾君子尚慎旃哉

### 形勝

縣居衆山之中東抵德安南抵景陵西抵安陸

抵隨州山路崎嶇東西北三路皆不通舟惟縣南

小河名縣河春夏水溢可通景陵縣蒿臺湖入漢

江

### 疆里

東西廣二百五十五里 南北袤一百八十里

東至楊家河德安府界一百二十里 西至盤石



嶺鍾祥縣界一百一十五里 南至橫官路景陵  
界六十里 北至漢東橋隨州界一百二十五里  
東到應城縣一百二十里 西到安陸府一百  
五十里 南到潛江縣二百里 北到隨州一百  
里 東南到景陵縣九十里 西南到荊門州二  
百五十里 西北到棗陽縣三百三十里 東北  
到德安府一百八十里

湖廣布政司

陸路五百七十里 水路八百六十里

京師

陸路二千七百里 水路六千七百里

王太僕舊論曰富水京山千載封峙何至于宋  
而本并於一手及諸觀縣境四界雖名曠達而  
山谷所據十幾八九耕毛之地僅見露於叢薄  
滿流之間斷諺有之三山六水一田非虛語也  
近世論者不究本末乃欲妄生窺伺擅易封掌  
事已報寢姑錄之以見其愚



新苑六間... 山... 西... 王...

到... 二千... 百里

水... 六... 千... 百... 十... 里

京... 朝

到... 正... 百... 十... 里

水... 八... 百... 六... 十... 里

山

縣固山鄉... 於大洪... 界為斷... 矣

縣治鳳凰山... 他處... 隆... 起... 其... 上... 為... 城... 隍... 廟

縣東京源山... 隋... 陵... 曰... 京... 山... 義... 耶... 此... 去... 縣... 十... 五... 里... 其... 上... 故... 有... 寺... 寺... 旁... 石... 窟... 下... 有... 石... 刻



近歸詩十首以嚴精草聖度木清無影寒為韻今寺廢刻亦無存明嘉靖初山下猶有塔皆寺之故

物城子山縣東二十五里禪房山縣東四十里其

寺程不詳禪房花木深為韻今廢大拜山縣東五十里

因雲濟山縣東五十里與大拜山對峙其上野耳山

去縣六十里形類馬耳其旗山縣東北中盤山縣

石徑盤旋若伏虎因名

縣北張良山去縣八里障隱嶺上多草去晴

人取拾得之其陽即縣為障障舊傳障候

走馬今縣北二里許有白馬廟土人謂張良乘白

馬下而走此後人為之立廟大抵即張泉訛而為

張良好事者曲為之說耳其山當為走馬山然所

謂張泉走馬亦不審其何因或云山下居人偶同

畱候扈家山縣西北十五里宋有扈姓者居此因

姓名扈家山名其上有砦野人時獲砲斧之類

聖境山縣東北三十里峻聳俯諸山其上多林木

潛暴佛號之芭蕉山縣北六十里上石人山縣東

十里山腰有香山縣北八十里高望數百里外西

大陽山即水經註所名去縣北九十里諸峯際空

陰多花山相傳靈濟祖師過此百草皆花大洪山

黑錯下有天師觀即靈濟道場

一七



縣西北一百二十里周百里餘其南面縣界也水經註所謂在隨郡之西南竟陵之東北者其上多

古蹟有寺可摩旗山縣西北六十里上有觀元揭

有程文鷄籠山縣西北九十里霍口山縣西北一百

居其下  
因名

縣西虎瓜山此土宜治瓦器石灰資一縣驅虎過

潼泉山縣西四十里五泉山縣西八里聊屈山縣西九十里

里一名盧屈即古耶屈山沙子山縣西百一十

石符山縣西南七十里磨石山縣西南七十里俗傳

八子山縣西南八十里其形

南惠亭山縣南一里一名鴨嘴其上石肖鴨

鏹其味其言近惟山形雖低張良而瓌瑣特甚

氣擁其首聿河立降也故有廟相傳宋在馬鞍山

去縣南二十里天目山縣南二十里有石磴紆子

陵山縣南六十里漢書本傳云除為諫議大夫不

屈王云榻廬縣南有嚴子陵釣處榻廬今嚴州縣與

此無涉豈當光武即位子陵變姓各隱身不見之

時歟然漢書又但云齊國上言有一異子披羊裘



釣澤中不言其入楚以理計之縣與南陽相近若先武未即位時與子陵遊學至此則或然矣富水

郡志謂郡有龍興寺在城南八十里舊纂子山縣南傳先武尋嚴光至此而返斯其証歟

六十七寶山縣南五十里其上產銅鉄宋嘗鑄色襪而止佛指

山縣南七十里鴈鳴山世傳光武夜過火門山縣南狀類人指

八十里世傳光武夜舉火度此故著書陸羽廬火門山荆南節度使成汭保火門山皆此

山即西龍尾山與火門相對東龍尾山縣東南五唐皮日休有天門夕照詩

龍尾並蜿縣南九十里北盡諸山南望寶香山縣南九十里北盡諸山南望鯁象龍躍

大香山去縣西南七十里其上有青山縣東南去縣西南七十里其上有大人蹟故又云大蹟山

倪子山縣東南四十五里昔三州山縣南有倪姓者居其趾

隨郡復三州故名

聖人嶺縣南五十里舊傳孔子適楚經此是時楚都江陵而孔子之南也適出陳蔡以

地形計之正合昭王抄是知尊聖人矣既以禮聘之又以兵迎之以楚之強使得孔子為之輔則江

漢之化擬盛二南也何有惜也書社纒扶兒嶺議而遠汎于子西孔子之及衛活然矣

東北二十里其上多蹲石徑道梅花嶺縣東五羅欽亥昔有老父扶兒過此因名

漢嶺縣北一百里其上平如掌有打毬場及故城壘今有關王廟

撒石坡去縣鹿角坡去縣三十里其上多惟石五里

京山縣志



縣下曰有鹿角今失其處  
疑即此

口大石口 石青色瑩淨可愛作碑礎  
甚佳

巖 觀音巖 縣東二十里官道旁泉經崖巖分四派  
下注飛瀑如絲漉田數千頃嘉慶乾隆

其下石壁峭立殊詭百狀有巖洞數處皆天然刻  
刻畧加結架便成室屋洞內一石厥狀絕肖觀音

喬木叢篁生石罅間葱鬱可愛其巖古者婆羅剎  
一徑大二十餘尺葉如桂林實赤白半食之已腹

疾相傳宋元時物舊有佛舍嘉靖四年巡按御史  
王公秀改建館宇迄今貴客多殮宿於此分守叅議

陳公良謨於崖端近安羅剛置龍吻離刻如真引  
泉餘流注而噴之下承以池池北構亭曰爽心每

暑月憑坐涼沫飄忽作雨聲侵人衣裾令有寒色  
言其涼也每曰石中水涼後石壁崩有坊大書定

快字殊道勁巡按御史公察善之筆也諸名士

過者輒賦詩嘉靖三十九年巡撫都御史劉公崙

分守叅議徐公惟贊屬知縣張鉉垣其崖端易龍

吻而大之其他館宇尚堵並加算飾順治十五年  
知縣候康民 滴水巖 縣東北五里其山與京源

建新亭其旁 滴水巖 縣東北五里其山與京源  
可容數榻前臨溪水亦擅花竹之勝舊有道人張

熬居之郝楚望過訪扁其洞曰佳士巖因題十韻  
五寶巖 去縣東北六十里千佛寺之背山有五峯

高數十丈廣二百步上輕下軒多草木為鷹所巢  
樵蕪者引盼終不能一躡有小石倒綴者甚多近

人處探作假 白水巖 在鷄籠山南五里許截山腹  
山瑩秀可愛 白水巖 而立高千餘丈廣數百步洞

空瑩拔有泉從巖上飛 青巖 在太陽山西北有溪  
流望之高寒如百尺練 青巖 水逕其下上多草木



蒼壁巉崖如堵牆遠視之形色正青

洞子陵洞在子陵山半深數丈寬可坐數十人洞盡處有大石方廣五六尺世傳子陵嘗

居空山洞去縣南二十五里山玲瓏通透而洞在

然中有石鏡臺昔有人秉燭入遊約二里許見大河奔湍甚急乃還 仙女洞去縣南

鏡臺粧臺火窖相傳皆他娥所遺宋建炎中有道

士秉燭入遊數月而出乃隨州也蓋與隨黃山通

頃時遊者或題長句云粧臺夜月空懸鏡火窖春

風不王莽洞去縣南五十里洞門南入北出其上

動煙有穴通明可宴百客縣諸洞皆有沁

滴惟此中燥潔冬月帷帳而此不異室屋俗傳下

莽經此按新莽始繇黃門拜遷射聲校尉永始元

封新都候國南陽新野之都鄉後以棘陽黃

益封皆在南陽界內與此無涉哀帝時莽雖曾

就國然匿情求譽杜門自守足跡固未嘗經此迺

後更荐至居攝篡奪矣天鳳元年欲行巡符之禮

大官齋糈乾肉內者行張坐卧所過勿得有所給

然亦虛言動衆以羣臣奏而止不知何緣令漸臺

黑龍洞趙橫

其故而齋正之則山林當為椰榆矣

寺西南而泉自洞中流出灌注趙橫之陽腴田數

十頃洞亦可入嘉靖三十九年府同知潘德元遊

其處使人持炬進涉兩灘令外人呼之

則應聲在數十步外暗不可往乃止

隍城洞去

西北二十五里趙淳記曰山間多巖盤旋寬若室

屋內有小穴塞以塊石去石俯入乃一大洞虛明

透潤可容數百人使君王公之邁榜以壺天遊者

誇勝寺僧紹洪復於其側搜剔藟藟得小洞三意



此洞久已湮廢自趙尋之而始知其勝所謂王使君者又加榜題皆以趙故其曰容教百人亦巨麗甚矣然積骸滿室如趙所云

**高山洞** 去縣東南四十里崇山之

間傍有門上有穴方廣數丈向不知名嘉靖戊申有虎從澗東南渡土人逐至南走入此洞逐者以洞外石塞之虎不得

**白谷洞** 去邑西北五里巖空天然兩洞嵌空內有

鍾乳其天泉自頂上來

**穿洞** 去五寶巖里許一山

飛瀑百丈餘漚於澗河

劃為兩洞皆透徹山背長一箭許兩洞之陰有陂諸谷水所會前後悉枕田土人欲灌注則填陂貫北洞而出既足又貫南洞而出牧豎田叟往往行其中以為常而上又為大道行旅駐足空中而不知亦東北

**常家洞** 在穿洞東深三丈廣二丈門週清溪有僧教輩枕洞架屋為

**泉洞** 在邑西南五里柳門口內廣敞可容千人河自內出崇禎九年賊逼南境生

李應命率土人避於其中賊果不能問積薪厝火燻焉凡在洞中俱斃至千數百人有全宗俱絕者書之以

**宋家坑洞** 嶺岑峻嶮中腹竇而空明末乙誌誠

外之家幾萬人避焉洞壁有詩句亦前代避兵處漫漶不可讀若小泉諸洞上無氣眼後無洞口佛便樵汲青草煙一炬而

**老龍洞** 縣北七十里巖高生靈坐斃矣可不戒哉

流經其中深遠不可測明末土人避兵於此全活者衆

水

縣居南河之曲雖溪澗險峻泉石磷泚乏極目渺



澹之觀然去江漢咫尺百道奔赴亦不忝東南澤

國之名矣

涘水 經縣城南其源出縣西北六十里花石巖谷中

道元水經註力口下曰涘水其名始正然謂

山西南南河地山是指所合諸水本深考其源耳

涘水西北運堰堤口諸泉入焉又東南運關流鋪

又東南運橫嶺鋪北為姚家河橫嶺及圍通寺水

及西十鋪河水入涘

又東會丁家冲泉泉出縣西北十五里東

七里橋河入涘

又會五里橋水水出沈家泉逕惠亭山山南此諸

水注之 又會機坊橋水東為漂絲潭縣舊有緇後明嘉靖

又會三女橋水水出縣西北十里馬跑泉富水郡

志曰虎跑泉相傳閔將軍于此駐兵乏水土卒渴

甚夜有虎跑馬驚跑地因得泉東南流為司戶

潭去縣八里界兩山間深不可測昔有曹司戶者

禱雨在此弗應司戶委身潭中頃更雨降故名又

東南或張良諸泉滙為河逕縣西郊達涘



十步屈于漉

又東為二龍潭相傳宋時有兩龍躍此又東受祈

見橋水又東得塌橋水又東南香山舖歐家冲諸

水從南來注之又東得八里頭東十舖諸山泉又

東受京源泉泉出京源山

又東會湯頭泉即一統志温湯水出縣東南十五

里温沸可浴氣如硫磺內有小魚游泳其中流稍

遠則冷若寒泉入漉餘見古蹟志按水經註温水

下云温木又東會温木出竟陵郡新陽縣東口徑

二丈五尺其熱可以燔鷄蓋指此水也應城之湯

池在縣東境上熱視此更烈然俱不入温姑存疑

又東南龍王冲諸水從南來注漉

又東會觀音巖泉泉出頂南流瀉漉

又東南為滾鐘潭縣東南三十里富水郡志云在

李家山後者舊相傳昔有寺鐘忽自樓出滾入此

潭所歷草皆偃生

苦竹泉泉出苦竹山南流為老女河

得盧家諸泉同入于漉

東南為三里墻七里墻水注之

東楊家冲泉從南來注之

東得石激河水水出雷家冲丁家冲禪房山

泉漉為河富水郡志曰石激今訛為石橋流十餘

里又曰赤脚湊漉又東得汪家泉于是東流二十

里逕景陵縣楊頭埠皂角市遶五華山歷霄城

播為蒿臺湖入沔按水經註云漉水東南南流注

城縣大湖又南入于沔是曰力口霄城古竟陵

縣齊以封劉懷珍蕭寶弘梁以封范雲俱為合邑

曰笑城傳呼乖實耳沔陽志云蒿臺湖逶回河入

漢回河一曰會河即漉下流富水郡志亦以漉為

回河漉與回聲相近但沔陽志謂其河自安陸直

河亭經皂角市者是以直河為漉之源誤矣或以



而異名不可分言也按漉自皂市訖縣皆可行舟  
顧灘積險隘遇水溢牽挽而上亦檣櫓集稍渴  
即橫卧磯頭坐望山雨矣王太僕曰聞之者壽云  
異時皆有壩閘數處蓄洩啟閉畧倣今漕河之制  
後悉毀頽蹟猶存誠搜而復之則舳舻佑容當無  
讓東南澤國夫轉漕通商政道所亟後之君子修  
而復之利賴寧有已哉

**富水** 縣東北八十里即水經註所謂大富水小富

水者也又云俗謂之大泌水又云大富水出  
太陽之陽南流而左合小富水小富水出山之東  
屈而西南流右合大富水正符今水道但二水不  
專出太陽蓋並發大洪山白龍池繞金剛坡分而  
東西流東流者逕牛角尖過小富街東南逕天生  
巖壑處四山中無泄處其中多牙牙魚善見啼人  
不忍捕恐即山海經所謂人魚爾雅所謂鮪也

小兒者也又東南逕查山廟土人云其神三王  
即漢三王之謂耶

又東南為漩潭又南逕賀家畝車灣泉水壩

又東南為獅子壩龍王壩又東南至青鷲口與太

陽山泉合泉出山頂下注但家冲歷太陽畝折而  
西南流與東河會即富水矣

小富水又東南歷沙子畝雷家港至夔河口而與  
大富水會

西流者過白巖山東南得潮水泉泉出金子山隱  
石間日再潮潮則有聲如雷少頃汎濫聲息乃退

又東逕黃金窪得其泉水又東南逕霍口及許家  
山又東過紙厰山中人善造紙又東南過三步嶺

又東南逕羅漢嶺俗傳張果曾經此渡其土野人  
取以造酒可代麴又東南逕五臺山得其水又東  
為冷水港

又東為大河頭太陽南谷中水從北來注之陡嶺



及草鞋嶺諸水從南來注之故名大河即大富水矣

大富水又東西逕潭濱河至霍河口而與小富水會二水既合是曰富水河土人又謂撞河當繇霍流交撞也

富水東南逕鷄子巖又東南得師故泉泉出山頂飛流聲聞四五里相傳有僧結菴于此坐斃故曰師故又東過石人山

又東得新羅泉泉出山中嘗有新羅僧居此語衆欲歸有神止之僧言思鄉中水神指其地泉即湧

出僧嘗之味同故鄉僧又言思故鄉魚神復指水得魚魚形皆纖細色班目赤僧遂不思還又東南

得鮑家河水出符驗山又東爲宋家河又東爲龍門潭又東南逕富水寺東寺即富水廢縣水經註

所謂富水逕新市縣治者是已又東南過滴流坡有小聚落又東得魚子悲水又東逕東嶽觀觀

石時旗山鎮巡簡司今廢又東南與鮮洪港水合水出興陽諸山又東南爲許家壩又東南三汊右

合石板河石板河即朱石底河出院山東得長坪諸水又東

南逕聖境山得水洋泉泉出山下至天王寺滙爲河東南逕界山坡又東南得白牛泉石家泉二泉

出山中至厲家壩注石底又東南得田家泉又東南逕楊女墓至三汊右合富水以二水交流故號

三汊三汊水東南逕七里畷又東南歷應城縣胡城畷

又東南過胡壩巡簡司又東南過應城縣治西又東南爲黃家灘至百步口注沔

楊家河去縣百餘里在富水之北水出大洪山黑龍池東南逕隨州剝塲入縣界逕平拔市

又東南逕號子嶺土人善號歌故名又東南爲翻車潭相傳孔子適楚經此車翻故名又東南逕千

石山系云 卷之二 二



鍾馭為金鍾潭又東南過陳子馭至應城縣死河口左合澗水又東南逕高樓山至劉家隔新河口達沔所謂澗口唐人詩曰暮雨不知澗口處是也按水經註謂富水東入于澗今入澗者楊家河而富水與楊家河絕不相通酈蓋未之深考矣又文獻通考云京山隋時有漳水今不詳所在惟沈存中筆談云安州有漳水又云漳澗合流今楊家與澗合豈通考所指即此歟

寨子河

出縣西北八十里橫嶺嶺有泉五泓故謂五泉湧如鼎沸注田甚博南流匯為河至

聊屈山西北與官橋水合水出路南諸山逕官橋舖西流逕郢東驛屈而西北注寨子寨子又東南逕聊屈山西南為長灘河左合白水

白水

源王所涉成白也土人謂之曰成河富水

不可則相傳昔有白鹿入水歲或旱禱之輒

遂封其神龍為善利公乾道二年郡守王世顯以

門二泉又南與溫泉堰水合水出青岡坤又南至

康家嘴右合長灘河逕鷓子口羅家堰大湖口至

陸家賽合司馬河水注小河

小河漢交流東北入縣界者也逕穴河寺高家洪

準鯉魚嘴又東南逕青山又東南為景陵縣魚新

河至景陵縣治南謂之義河東南復入漢

漢水

過縣界者起舊口驛北瀨縣界東南逕茅草

嶺小河口沙洋新城多寶灣丁家河凡九

里許為潛江縣境又東南至呂家灘逕觀音寺亦

瀨縣界凡一十里許

三澗水

發磨石山者名司馬河源出仙女洞山泉

匯為河西南得倒灌溪水水出牛筋陵北



四面俱西畧與天生堰同遇水溢則其旁種田皆  
 涉居民刑羊不以禱之壺酒有人以糠糶投之則  
 出僊女河也仙女河又南逕纂子山得卓錫泉又  
 南得龍泉菴泉出菴後逶而西流溉田百畝注仙  
 女河僊女河又南過磨石山屈而西流為司馬河  
 旁有司馬墓又南逕蒲圻寺又南為夏洋港逕楊  
 家澤至陸家賽合長灘白水名三汊河注小河此  
 一澗

馬溪河發源趙橫寺黑龍洞迴而東流灌注甚廣  
 南逕馬頭山臨溪寺又東南為官橋河又東南為  
 馬溪河此一澗  
 石家河發源空山洞如意寺其家冲南流為雙河  
 口為雷公潭逕白土苑又東南為石家河此一澗  
 谷馬溪河至黃土灘並注景陵縣河景陵人亦謂  
 之三汊口通上司馬河名三澗唐皮口亦有三澗  
 漁歌詩左傳有句澗雍澗漳澗蓬澗或以為卽此

按杜元凱以澗為楚西界漳澗在漳水邊去  
 秋時京山并楚西界漳又在當陽似難強合  
 傳融與楚戰楚濟漢而陳自小別至于大別而敵  
 兵大敗楚師於清溪又破諸雍澗遂入郢及敵師  
 之還楚左師馬成亦敗敵師於雍澗詳其師行之  
 路似與此合  
 三澗今三澗所入特漢之支流何耶蓋禹時初脫  
 沮洳漢流猶廣自小河以南通謂之漢矣又漢東  
 諸水可稱者衆而書不言獨稱三澗何歟蓋水初  
 平時諸猶未可辯識唯此出叢崖中顯故易見故  
 顯揭之耳

支水附見

三澗東又有柳家河河本在景陵界而  
 發源京山東南三十里湖山寺西北有

泉東南流十里許會綠水堰泉泉在兩山中灌田  
 數十頃又東南過泉激寺又東南過帥家泉又東



南為雲潭河京山界盡此又東南為柳家河入風波湖至圓湖口達漢

小河北有土橋港水出大香山東南與珍珠泉合泉出山中沸如珠湧聞人聲愈大民資灌溉

縣東有五龍河河本在應城界而源京山東六

十里有三水一為王家泉出山東南匯為寺

一為靈濟泉出靈濟山東有清泉水壩一為梅

花嶺諸水及盤石寺諸泉一為石滾壩又東南為

四龍河與華家河清泉水壩一水合入應城為五龍

河入三臺湖達漢攻唐書地理志富水縣有白沙

山在磨旗山後舊引宋志程演職方機要云白沙

山即白沙水所出而水經言江水東得白沙口謂

白沙入江處今攷水經注白沙水本在蒲圻江

開去此數百里沔陽志又言白沙在其州北二

宋置玉沙所由得名則知機要誤也又水

新市縣北又西南而右合枝水今攷敖水本出

大洪山西南流合枝水入沔鍾祥人謂之直河實

不於縣境經過豈古新市疆域固出鍾祥外歟然

大陽固今縣山也姑記以俟博物

湖小河南有泗水即泗湖去縣一百二十里縣南諸水所聚其中多魚多菱荷東南注于漢曰

武當口 小河北有西陂湖去縣百里有楊林湖去縣八十

里有布袋湖去縣八十里有古老湖有鷺鷥湖有

赤馬野豬湖去縣一百里六湖俱東南入小河

陂塘 縣自諸水泉溉浸之外民各度地宜穿埭堰

紅水堰曰王家堰曰沙陂堰曰港東堰曰季四堰

在呂府 曰真武堰曰貞再陂曰魯班堰曰千工

六山系云 卷之一 十一



壩在富水 曰南高堰曰夾鼓堰即西陂湖上流  
 在羊亭 曰綠水堰曰古陂曰木龍堰在七寶  
 曰西大石陂在子陵 曰東大石陂曰南莊堰在  
 白陽 曰蔡家壩在寶香 曰蓮花堰曰三口堰  
 在辦頓 舊于三十一里里設塘堰老人一人典  
 其里水利凡決塞侵墾之事悉令督察之而以時  
 上其事于縣自非大曠農用頗裕  
 論曰易有之地險山川丘陵也禮云諸侯祭封  
 內山川以表賜履亦耀隣之義然無德而恃險  
 斯益其疾矣其唯原陸天地之氣無所扞格如  
 大冶鍛金形氣渾然至限以廣谷越以大川氣  
 候壅于往來地形少間矣惟邑山川壯密地勢  
 遙阻整齊者相時而利導之當不止與他邑埒  
 若耶山澤之畸為遊觀之具曰景物此相沿成  
 籍有識者之所畧不足論也

土產

富水郡志載宋土產 有橙實 有瓜二物宣政

間文貢後罷 有苧布按唐書及宋史皆言鄂州

土貢白苧意郢界舊饒此物 今俱無

有丹參 貝母 桃實 梅實 橡實 虎骨

豹肉 牛黃以下五物 今俱無

一統志載明土產 有棉花 有漆 今無 有椒

有紙 今滅往時 有麀 今無 有野貓 花貓



魚 今不多出

穀之部

有稻

凡二種曰粘曰糯

其色赤曰種分早晚凡歲

計需此

有黍凡二種曰早曰秋

有稷即高粱

凡二種分早晚

有小麥

有大麥

有蕎凡二

種分甘苦

有菽曰黃曰菜曰紅曰青曰黑曰蠶

曰豌豆曰江曰茶褐曰小白曰龍水曰泥鯁黃 有

胡麻即巨勝俗謂之芝麻

蔬之部

有葱

莧

韭

蒜

薤

藠

薺

蘆蔥

王瓜

甜瓜

菜瓜

冬瓜

白菜

芥菜

油菜

落仁菜

菠菜

白花菜

蕪

蓬菜

魚之部

有鯉

鰕

青

白

鯽

鱧

草

鱖

魴

鮎

黃頰

鰻

鱈

鰈

鮠

鱖

近

水者有之山鄉不多得也

禽之部

有雉

鵠

鳥

鸛

鳩

鷺

鸚

鶯

鷓鴣

麻鷓

鶉鴒

竹鷄

白



頭翁 鵲鴿 青鷺 戴勝 百舌 告天子

布穀 鷄 鵝 鴨

獸之部 有馬 驢 騾 兔 獾 羊 豕

犬

藥之部 有桔梗 蒼朮 柴胡 苦參 當歸

木瓜 茱萸 大黃 決明子 天門冬 麥

門冬 香附子 桑白皮 薄荷 荆芥 白扁

豆 紫蘇 陳皮 枳實 枳殼 青皮 山皮

蕪 地骨皮 車前子 紅藍花 蒼耳 乾薑

威靈仙 細辛 青木香 前胡 連翹 半

夏 南星 大戟 芫花 商陸根 蒲黃 茵

陳 百合 黑牽牛 白牽牛 龍膽草 瓜萎

根 地榆 葶藶 王不留行 馬兜鈴 白芨

牡丹皮 金櫻子 南燭枝 地膚子 馬鞭

草 楊地青 木通 山藥 羊蹄草 五加皮

蓖麻子 楓香 石密 白蘞 牛膝 木賊



夏枯草 蒲公草 金銀花 樗木皮 山查

菴荻草 草薺 石菖蒲 黃精 石斛 瞿

麥 澤蘭

菓之部 有李 杏 栗 棗 梨 櫻桃 石

榴 芋薺

木之部 有松 栢 檜 梧 桐 椿 桂

梓 楊 柳 荆 槐 檀 櫟 桑 柘 棟

楮 榆 皂莢 烏桕

花之部 有菊 牡丹 鷄冠 芍藥 薔薇

荼蘼 菴蓍 石竹 迎春 芙蓉 紫荊 葵

梔子 瑞香 海棠 玉簪 萱草 金蓮

竹之部 有篁 水 斑 慈 紫 叢 苦

觀音

草之部 有蒲 蓼 葦 茅 莎 萍 艾

藻 菖蒲 芭蕉

泉貨附



自元時重鈔法明初因之其後廢泥不行凡交易皆以白金上者爲準色不足者折之裸貨亦然頃多使錢而錢輕議者謂欲足國便民必釐正錢法云邇來饑饉薦臻殷戶衰少土著之民不習遠涉日用所需悉東南賈客販給之雖易得之物常至斷絕食鹽仰給兩淮頗年價或湧貴民有食澹者

沿革

京山古荊州域人皇氏分長九州項帝建之帝嘗愛之唐堯因之舜肇十有二州禹復命天下爲九州荆及衡陽惟荊州北接雍豫南逾五嶺縣在其中禹貢所載江漢潛沱成與縣境相望三澨發源界內是縣之蹟著稱於唐虞者如此商湯因夏九州周文王江漢之間首遵教化武王因殷九州封建千八百國縣在當時所封建不知凡幾國畧舉



其乘周之封有楚熊繹居丹陽又有郢學陶後春  
 秋左氏謂若敖娶於郢是也魯桓公十年楚屈瑕  
 將盟武軫即人軍於蒲騷時於隨絞州蓼伐楚師  
 莫敖患之迺用鬬廉計以於郢郢以禦四邑而以  
 銳師宵加于郢遂敗郢師於蒲騷按郢即一國耳  
 杜元凱於郢云在江夏雲杜縣東南有郢城於郢  
 云國名不言所在又却本子爵馬貴與迺謂却爵  
 六許俱似一國矣當是時縣蓋郢地所謂郢郢即

鍾祥沈存中所名比郢是也所謂蒲騷即今應  
 城昭公十四年楚使鬬辛居郢以無忘舊即酈道  
 元謂水西有竟陵大城古郢國也即辛所治今景  
 陵縣西三十里有巾港港西亦有城城多荒地詳  
 其地形與杜酈合豈是時楚滅郢而遂以封辛歟  
 定公四年伍子胥以吳伐楚五戰而及郢楚昭王  
 涉睢濟江入於郢中郢公辛與王奔隨初王之奔  
 即也濟於成白按成白即今白口鎮杜元凱註云



江夏竟陵有白水出聊屈山西南入漢聊屈今縣西界是縣之蹟著稱於春秋者如此昭王失國縣人申包胥楚之同姓也爲楚大夫如秦請救秦以車五百乘救楚昭王入郢成公七年楚伐鄭鄭囚鄭公鍾儀獻諸晉晉囚諸軍府即南冠而操南音者也爲楚卽邑宰僭稱公此事本在闔辛之先不知古卽國滅於何時及戰國時縣爲楚地史記秦本紀昭襄王八年使將軍芊戎伐楚取新市裴中

晉帝紀曰江夏有新市縣是縣之名著稱於

戰國者如此然時縣尙未建蓋聚落之名耳二

十九年秦使大良造白起攻楚取郢爲南郡縣屬焉漢元年西楚霸王項藉分共敖立爲臨江王都江陵縣在國內五年國除高祖分南郡置江夏郡不屬諸侯前漢書地理志江夏所統縣有雲杜雲杜卽杜元凱所指以繫卽城者章懷太子以爲在復州沔陽縣西北應汝南及酈道元俱言卽却亭



楚若敖所娶而唐太宗云故雲子國雲與邛益傳  
寫之誤豈邛果國是後因之立縣耶尙書雲土夢  
作父之文爲名歟其事當在秦漢之際以諸說推  
之景陵西爲鄖城鄖城西北爲雲杜其地在今縣  
南界景陵西北境也但括地志以安州安陸城爲  
鄖國城而杜元凱亦指安陸之雲夢爲邛夫人棄  
子實之所至李奇又以鄖鄉縣爲鄖子國則紛紛  
無所適從矣王莽末新市人王匡王鳳起兵擊破  
州牧轉擊雲杜安陸酈道元謂縣有三王城卽  
當時聚兵之所今城在縣東北大陽山東故址猶  
存後匡鳳入南陽號新市兵而平林人應之平林  
隨州縣與新市接壤者也光武定天下分安陸地  
立南新市侯國屬江夏郡南者中山鉅鹿有新市  
故南以別焉是時京山雖未置而雲杜邑其南新  
市國其北矣漢末劉表據荊州江夏悉附及劉琮  
降而荆襄之地盡爲魏武所有魏武旣敗赤壁與



吳蜀三分諸郡江夏入吳吳孫皎爲征虜將軍代程督夏口也賜沙羨雲杜南新市竟陵爲奉邑其後吳分江夏立武昌郡而魏荊州所統有江夏郡蓋又魏與吳共分漢江夏吳得所分以爲武昌而魏仍其舊爲江夏雲杜新市俱入魏矣吳嘉禾五年陸遜遣將軍周峻張梁擊江夏新市屬江夏如故惠帝元康九年分江夏置竟陵郡治石城蓋二縣與隸焉桓玄之敗也桓振與符宏出自鄭城

破江陵劉懷肅自雲杜伐振等破斬之據此則是時鄭城尚存而杜元凱所指殆非意料荒墟之辭且與雲杜不同治明矣劉宋景陵太守所統有雲杜有新市子相又有新陽男相相今秩也新陽之名始此卽今京山縣治按桑欽水經沔水又東與力口合酈道元謂有涘水出竟陵新陽縣西南河地山東流逕新陽縣南縣治雲杜胡城分雲杜立與今縣治符胡城蓋縣治未立之先地之別名也



京山縣志 卷之二 三  
曰新陽者取義於新市之南至是而京山乃有定  
區矣但置立之年當時若何徐已自不注沈休文  
云永初郡國考永初宋武帝所紀年也杜君卿云  
晉宋以來曰新陽總之皆臆說卒莫詳其何代以  
理測之蓋晉既置竟陵欲廣其屬邑雲杜邛故治  
疆域稍大故遂析其北境置新陽以屬之與立郡  
卽並時事也宋武帝時庾悅死追封新陽縣五等  
男齊高帝封建康紀僧貞爲新陽縣男尋改二縣

新安陸郡又齊於新市新陽之外郡則復有北新  
陽南新陽縣則復有西新市南新市東新市南新  
陽北新陽角陵諸稱與二縣名先後相類且並郢  
州治夏口時所領若以爲俱縣境則縣之廣未能  
如許也又元魏地形志亦有南新陽北新陽東新  
市西新市是時縣固未嘗屬魏而彼乃有此縣名  
者蓋遙採中州嘉號以封建諸王耳魏孝莊封元  
修爲新陽縣開國伯皆虛借之稱梁普通中田金



生據新陽邑而討渠之於是於新陽立新州梁寧  
郡而分荆州之武寧郡來屬南新市如故大同元  
年以皇孫當陽公大心出爲使持節都督郢南北  
司定新五州諸軍事及大寶元年西魏開府楊忠  
執司州刺史柳仲禮於滌頭盡沒漢中之地而新  
入西魏梁元帝與忠盟云魏以石城爲封梁以安  
陸爲界是也是時儀同天水權景寧與忠同事久  
之魏以景宣威行南服授拜安肆郢新應六州  
軍事然侯景之亂元帝拜恭軍冠軍胡僧祐假  
武猛將軍封新市縣侯授王僧辨於巴陵則太寶  
二年事也又元帝嘗承制授杜僧明爲新州刺史  
是新之入魏又未知何年魏以鄭敬道爲新州刺  
史廢帝三年宇文太祖乘政改置州郡及縣於是  
改新州曰溫州以界有溫泉新陽曰角陵以界有  
角陵山又分角陵地置縣曰盤陵今縣東南六十  
里有盤陵坂是也改南新市曰富水以界有富河



遂置富水郡一曰富人章懷太子謂新市故城在富水縣東北則新市與富水似非同域是時郡州立又分州屬郡武寧隸之後周高祖天和二年裴寬爲溫州刺史後又以鄭萬頃鄭子規爲溫州刺史建德四年封齊主緯爲溫國公五年分南郢州之宜人郡來屬一曰宜民靜帝初郢州總管司馬消難以郢隨溫應士順沔涇各九州及魯山等八鎮降陳後爲王誼所破諸州復爲周頃之隋文帝

上以隨州之崇業郢州之安陸城陽溫州之宜人等郡合一十郡爲陪國既受禪以楊文偉爲溫州刺史開皇三年罷天下郡其縣但隸州而已於是二郡廢平陳後大業三年又罷州爲郡溫亦廢始改南陵曰京山以界在京源山省監陂入焉富水如故仍置安陸郡又有京山縣齊置建安郡西魏改九州後周郡廢大業初京山廢入竟陵縣按大業以前未有京山之名而京山亦未嘗廢於



京山縣志 卷之二  
大業之初豈是時竟陵郡所統別有京山而隋之  
改南陵爲京山乃省彼以名此歟及考建安先州  
則齊魏間新江夏所置並領於比新州無從稽斷  
也唐武德元年周法明攻拔安州遂有其地國年  
法明降二縣入唐復於京山置溫州而以三縣隸  
之時蕭銑稱帝於江陵峽州刺史安陸許繼討銑  
有功擢其子智仁爲溫州刺史貞觀八年以長  
孫來屬徐東海公所記貞觀十三三年夫續荆州

府統州戶十有七溫猶在列至十七年廢

州移理於京山未幾還長壽二縣隸焉開元十

年以天下十道分十五採訪使鄂州及二縣屬出

南東道其後以李客師爲富水令貞元中以韋於

屈爲京山令昭宣時山南東道屬楚王趙匡嶽及

梁太祖欲代唐匡嶽以爲不可遣楊厚攻之取其

七州而郢在焉開平四年二縣隨郢割隸鄧州宣

化軍漢高祖入汴高從誨攻郢州刺史尹寶敗之



自此訖周二縣常屬中國事具歐陽永叔史譜宋  
乾道二年省富水入京山仍隸郢州太平興國二  
年罷鄆鎮與郡直屬京師三年分屬京南路與鄆  
隨金房均唐凡七州隸襄陽府元豐縣第如唐元  
和咸平元年鄭文寶知縣事崇寧初劉幹知縣事  
靖康之亂霍明據郢州紹興初爲僞齊劉豫所奪  
其將京超守之岳飛討之復郢州縣復爲宋淳熙  
十二年於縣東置曹武驛先是郢州守臣以應城

十七里石牆驛距縣溫泉驛六十三里

均請徙石牆於曹武以當道里之中至是從之

祐十二年二月壬子元兵攻隨郢安復京西馬

布軍副總管馬榮戰嚴竇山癸未再戰縣境銅冶

坪三月丁亥又戰子陵大脊山詔榮兵不滿千能

禦大難賞官兩轉元中統中張柔屯兵曹武以逼

宋道別將鞏彥暉攻洪山寨破之咸淳八年五月

荆湖使統制張順張貴帥帥救襄陽不克死之郢



鄧路絕詔荆湖制置移司鄧州將帥悉駐新鄧新  
謂京山也蓋追述故名之辭十年元伯顏南下越  
鄧弗攻進破縣南界沙洋堡擒守將授新城德祐  
元年夏鄧州安撫趙孟以城降元縣入元寔至元  
十二年也先是縣因兵亂徙治漢濱至是還故治  
詔洪山避兵民還歸漢陽復業農畝十五年州  
安陸府縣隸如故屬河南行省十一月棗陽  
府言均收撫大洪寨爲宋朱都統所害

千兩贖其家至正中以賈大亨泰伯顏不花爲縣  
尹順帝末陳友諒起沔陽縣境所在寇亂暨乙巳  
歲吳復取安陸縣遂歸明洪武元年吳復破老馬  
劉於大洪山先是縣又因兵亂徙治新城三年還  
故治頃之安陸復爲直隸州縣隸如故屬湖廣行  
省尋改布政司司分各道州與縣隸下荆南初洪  
武間封鄧靖王永樂間封梁莊王成化二十三年  
封興獻王弘治六年就國莊田多在縣界辨頓白



陽羊亭諸處正德十六年世宗入踐大位縣人往  
 板送者千數嘉靖元年封駙馬都尉崔元為京山  
 侯十年州升為承天府仍以州境置鍾祥縣及荆  
 荆州之荆門州潛江縣當陽縣并直隸沔陽州景  
 陵縣與縣凡州二縣五為府疆域十八年世宗  
 駕幸承天縣人往伏謁者萬計賜田租三年是歲  
 置興都及荆西道統承德二府崇禎六年賊入楚  
 徂來縣境無寧日十六年癸未歲正月朔府衛

於賊次日縣官民棄城走賊至設偽官據

年乙酉歲三月

國朝命親王勦賊賊羣風遁過縣縣入版圖實順治  
 二年也改承天為安陸府縣屬焉府統於荆西道  
 守巡各一已而裁巡道既又裁守道今并轄於荆  
 南道云

於縣縣人往伏謁者萬計賜田租三年是歲  
 置興都及荆西道統承德二府崇禎六年賊入楚  
 徂來縣境無寧日十六年癸未歲正月朔府衛

於縣縣人往伏謁者萬計賜田租三年是歲  
 置興都及荆西道統承德二府崇禎六年賊入楚  
 徂來縣境無寧日十六年癸未歲正月朔府衛



守邊各一曰而漢然竄劫又楚守邊今并歸於漢  
一平心以承天意安劉而保漢國謀執錄於漢西  
國博命滕王以煥煥壁風銀屋線線入建國寶則當  
平心西風三月

宋書魏天日雜官只棄姓去煥至道新官錄

楚俗

管讀古載紀春秋元命苞曰軫星散為荊州分爲  
楚國荆之為言險也陽盛物堅其氣急悍也釋名  
曰荆警也嘗警備之也史記貨殖傳曰西楚其俗  
慄輕易發怒地薄寡於積聚楊雄荊州箴曰風慄  
以悍氣銳以剛前漢地理志曰楚有江漢州澤山  
林之饒民食漁稻以漁獵山伐為業故皆窳偷生  
而無積聚飲食還給不憂凍餒亦無千金之家信



坐鬼重淫祀凡此皆備言楚俗者也國經曰風俗  
同荆州清明節鄉落士度唱下調歌宋石才孺考  
記曰其民樸其俗儉其土饒粟麥其產多麋鹿  
有西北之風聲氣習凡此皆據言郢俗者也唐劉  
丹西郭橋記曰楚郢之境東馳京嶺古風遺事淒  
然不變宋程祁學記曰京山地廣以遠民能自止  
於務本耕鑿滋狂循楚之舊孫司徒舊志曰邑  
山泉民引泉爲機以磨爲磨有累世業儒之家

樂爲士有父子兄弟一時遊庠序者或父兄科  
出身即子姪繼之凡此皆顯言縣俗者也嗟乎書  
野爲邑上下千餘年之所親見參較前聞皆摹刻  
形似鎚毫契合諸君子可謂知言矣然而風會可  
轉移陶染有漸次水土有厚薄化導有臧否百里  
不能以同風百年不能以沿習執一隅之論而欲  
齊風訓於桑田屢變之後雖羲皇泐穆之教且難  
之請畧推其可言者以附於古人昔聖王疆理天



下皆因山川所隔閼風氣所鍾萃性俗所嗜好然  
後制爲城聚設爲政教因其人情物理而利導之  
故爲之民者相安相養而亡拂情逆欲之憂縣自  
新舊縣安陸分立新陽縣雲杜分立封畧土宇政  
令趨承判然不一迨至其後二境一家漸次馴習  
顧其間谿谷之向背塗路之險夷終有南北之異  
縣境三面阻山山高谷廣不能多得田且壤瘠不  
能多得穀雖鉅室鮮儲蓄稍有餘則易田墾

耕之而收其租以供稅貧者則佃耕富人之田  
私其租以供食殆貧富皆無全力也民鮮深巧  
多粗劣且不能爲逐末計日用所需惟徽商操其  
緩急而收其厚利焉其風漸也久矣至若歲時節  
令元旦夙興放火爆炮啓門燃香燭望空而拜次  
拜祖考次乃尊卑長幼以序爲拜拜畢出大門向  
三方行自此宗族親戚互相徃拜至三四日而止  
元夕張燈街市起十三夜至十六夜止前此簫鼓



喧闐士女雜選爲看燈會近則燈火寥落但星月  
交輝而已立春迎土牛城中各以會結綵爲亭扮  
演雜劇近則循例應套無足觀者清明插柳于門  
簪柳于首拜墳祭掃掛紙錢于上四月八日爲浴  
佛會僧家每造青精飯相饋遺五月五日插艾及  
菖蒲食角黍飲雄黃酒或以酒灑塗小兒眼耳鼻  
諸竅七月七日迎祖先十五日或作佛會以薦祖  
考八月十五夜中秋相邀飲酒爲賞月會九月九

登高飲菊花酒惟好事者間爲之冬至節士女  
大家或交拜相慶民間則否伏臘之月或爲酒食  
聚會曰分歲除日具牲醴祀家神祖考於中堂曰  
送年換桃符貼春聯鑿五彩紙爲錢曳長之掛於  
門儲水令足新年數日之用是夜祭門祭灶牛馬  
鹿皆貼紙錢次第而畢男女圍爐而坐曰守歲夜  
放火爆設香案列燈燭茶菓越歲三日祀其錢焚  
之曰燒年紙于是士農工商各司其事矣凡恒俗



所習行其繁簡間有不同大都如此李大泌嘗言  
成化弘治以前縣之俗椎魯少機械有小忿輒能  
遺恕不相質論其讀書爲士者雖被儒服彬彬齒  
於縉紳學士之列矣亦長厚食不重味衣無綺紈  
之飾宴會招賓客幅紙單報轉相傳視至則羅短  
案妻子出拜刺刺語笑不以爲嫌長老有事後生  
學子爲之執役若子弟童奴其忠厚少文如此自  
後聲名漸闢文物轉盛生齒繁多機心蠭起強

之勢一分侵食之計蠶出甚或巧文舞斷愚氓  
手故令當道言俗美下移者頗以京山爲口實蓋  
在壬午癸未之間縣之風俗寔一變矣自後密邇  
都邑車馬繁會五方奇巧之選遞相慕尚加之商  
賈負販坐食富厚百工技藝雜然並集蓋在丙午  
丁未之間縣之風俗又一變嘉靖之季則士敦其  
習民念其家漸復曩時淳龐之舊山谷遠氓猶有  
尺布括首而不知節候者有老死不見邑庭者有



孤嫠赴縣投牒得理而起拜者遺黎故態令人可  
喜至高貲甲姓亦各願惜生業收省鄉識貸錢取  
息多從寬假達官顯仕比肩立朝徃徃患難相扶  
才美相譽其或懸車谷卧亦能脫畧勢分譚宴敘  
晤敦厚質樸蓋繇稟山川清淑之氣以生而終不  
忘其本性者也慶曆之季典型未泯而灌仲孺家  
在潁川武安侯賓客聲樂田宅心漸日染成俗其  
悍健訟或憤發一朝奮螳臂不肯俛首臣業

庶及啓禎桑梓每多荆棘士類好作歌謠誇言  
產動引中菁郎瓜葛棠棣不願甚至下流而譚上  
逐波煽焰如章志所云未幾而城陷于寇玉石俱  
焚惟見劫火青燐東流白水而已乙酉以後令甲  
縱新邑染翰舊廨養興隸席哮鳴張橫索月錢以  
贖私帑當時薦紳削邑縫掖俛首寧止間左膏血  
銷耗立盡也幸當道者軫念廓清攬轡理輪霆擊  
覘消焉則歸官夫則計程而三戶孑遺甦緩須臾



耳至於深惡民乘間闖小忿含沙網利挺身代控  
假藉越訴或居間爲奇貨轉相慕尙箕箒之訟村  
市爲空三尺法安在邑無論紳士中人稍自給必  
有僮御衣食長養久故世上下相背異時田連阡陌  
或游于通顯齒于文墨而終弗忘其本兵燹後疾  
視若敵自廉察之懲戢數數焉而冠履茂易置矣  
壬辰辛丑之災疆內道殣相望戊戌堤決邑爰水  
地無十之一而強徵協濟自是而邑愈貧困訟

之流攤報過差輓芻輸菱凋瘵未起堤坊又亟等  
而亟墮焉罄懸壁立蕭條特甚矣維昔之日雖循  
良相望平然或起家有西南之殊而逐末援屢之  
旅於茲者其和遂分左右焉黃山白嶽之羣煽虐  
于國中醜酒醜金要盟植黨爭必訟訟必期勝而  
上著莫嬰者幾何年矣囊斜午谷而南邀庇粉榆  
出贏餘以權子母子三倍於母而持券索償如故  
蕩室廬析骨肉以從事於有斷輒追之嚴威矣况



水旱相仍饑饉頻因至胥所過蕭然一空豈弟君子民之父母所宜爲推見至隱者耶嗟乎民所疾苦是則然矣而嗜好趨承之殊曩昔又何以爲異時富教無舉之助乎夫美惡區乎俗邪正區乎人是非辨于心若民惟以乘堅刺良爲榮以競躁喜事爲能不耻不信不惡無禮不嫉訕上黑白謬戾凡否炫雜無乃陷溺深于心而澆漓成于俗歟夫百姓盡力于南畝士篤志于庠序之教而曰風

厚俗弗美未之前聞也

家世際昇平治還淳樸良司牧撫而字之庶而富而教厥有所由故縷述舊志叅綴觀記一足以勸一足以戒至于闕本澄源則于賢哲君子有深望焉

論曰風莫淳美俗莫厚美曷淳曷厚以靜爲至耳千百年來今與昔不知幾變匪直近古之俗邈焉不存即求所謂民疾者今且爲才爲德不可復覩抑騷然而貧勢使然歟靜之不存實難輓矣然風會轉移司牧者當有責焉躬行禮教隱惡揚善本至誠惻怛以先之民是則傲而歸





缺卷2



于淳厚乎若大蒙庭長養里黨漸摩挽惡薄而  
進道義則又存乎賢達相望毋獨爲君子而已





